

臨縣志

劬周署檢

EW/60.183

41

部=3

考第四

沿革

營建

古蹟

箸述

臨縣志卷十四

試署臨縣知事古黔胡宗虞監脩

山西大學校文科學長晉城郭象升審定

沿革考第一

志詳沿革所以徵建置而正疆域也郭衷恒有言宇宙之山川不改古今之稱謂各殊後世考地亦必以山川為準望臨僻處山陬商周以前建置不聞自趙韓魏三分晉地秦趙相攻始有藺臯狼等名由今考之二地當在縣境東南離石西北均無古蹟可徵前漢置臨水縣屬并州西河郡說者謂因陵水得名延及後漢西河遷於離石而臨水已省魏晉齊周離石以西匈奴竊據百餘年不奉正朔自隋唐以來始隸中朝版籍惟析置遷改疆域攸殊舊志

臨縣志

卷十四

沿革

於沿革未加考覈王顧齋先生新通志戴東原先生汾州志考古今沿革最為詳悉茲據二志徵之古籍以山川準地望輯為沿革考其歷代設置無徵不信者不敢妄逞臆說也

縣境於禹貢應屬冀州爾雅職方同

新通志禹貢冀州河行其西界乎雍冀之間南流為西河爾雅

釋地兩河間曰冀州據西河東河

古黃河自大伾山南折而北界冀兗之間為東河而

言正義曰明東河之西西河之東南河之北是冀州之域也周

禮職方氏河內曰冀州正北曰并州馬融曰舜以冀州之北廣

大置并州鄭康成曰舜以冀州之北遠大分衛為并

謹案戴氏汾州志梁岐考辨正梁即離石之呂梁山新通志

鄭氏分衛為并蓋以禹貢恒衛既從衛為滹沱在太原以北

言分衛以北爲并州春秋時并北之地胥爲狄居呂梁則在太原之西臨又在呂梁之西少南濱西河爲邑應屬冀州然漢之西河郡屬并州臨水爲西河屬縣是不屬冀而屬并但其時草昧初開叢林澗谷巡省不到尙無地名可考春秋之季爲晉地

春秋魯昭公元年晉平公十七年荀吳帥師敗狄於大鹵始擴地北至太原

謹案日知錄云霍山以北皆狄地自悼公後始開縣邑臨在霍山西北五百餘里晉悼公時其爲狄居無疑自平公敗狄擴地北至太原臨在太原之西少南其地當爲晉有藺臬狼臨水之名後此遂見於經傳

臨縣志

卷十四

沿革

二

七國時爲趙地今縣南爲藺境東南爲臬狼境

史記周安王十六年趙韓魏三分晉地趙都邯鄲晉陽以西皆爲趙有魏武侯十五年敗趙北藺當趙成侯三年張守節云藺在石州趙之西北是也趙成侯二十二年趙疵與秦戰敗秦殺疵河西取我藺石趙武靈王十三年秦拔我藺虜將軍趙莊姓纂韓厥玄孫康仕趙食采於藺因氏焉後相如爲趙上卿汾州志臬狼即離石西北及臨縣之境史記秦本紀趙世家皆言周成王時趙之先曰孟增幸於王是爲宅臬狼宅臬狼者蓋因所居爲號戰國策智伯使人之趙請蔡臬琅之地趙襄子不與語轉字異亦曰郭狼趙武靈王召樓緩謀曰我先取藺郭狼智伯所請之蔡臬琅即武靈王所稱之藺郭狼藺字轉寫訛作蔡

泉郭語轉琅狼音同耳

謹案蘭云趙北趙之北部也蘭石蘭泉狼並舉者是三縣連境足徵今縣在其轄內

漢置臨水縣隸西河郡屬并州莽曰監水東南為蘭泉狼及平周境

新通志漢西河郡臨水縣蓋因縣東湫水為名湫水舊稱陵水古本名臨水也汾州志云西河郡有臨水縣或以為即臨縣然

水經注與唐宋書絕不涉及汾陽縣志云以西河名郡始於漢

武帝元朔四年郡治本在河西平定縣徐松龜今地攷畧漢西河郡治富昌後漢治平

定均在令河套內鄂爾多斯左翼前旗其西南跨河得蘭臨水泉狼離石隰成土

軍中陽平周今臨縣永寧寧鄉石樓諸州縣是也史記武帝元

臨縣志 卷十四 攷沿革

朔三年同時封代共王子劉熹為蘭侯遷為泉狼侯賢為臨河侯新通志臨河疑即臨水今臨縣所由得名又按漢表代共王子九人封國皆在西河其地既確為河以東縣矣石樓亦有臨河未嘗不可援為漢侯國之證戴氏以前史不著並臨水俱從闕疑是其精審處又考漢朔方郡實有臨河縣當時推恩分封所至終以西河郡臨水為近是

謹案蘭泉狼以地勢推之同在今縣境之東南臨水當在境內腹地戴氏謂水經注與唐宋書絕不涉及遂謂孤注難憑竊謂班氏以漢人志漢地豈能無徵水經之陵水即今縣之湫水陵臨音近古今異讀新莽改曰監水當時篆隸互用臨監文近而又古讀同韻或即臨水之誤新莽改革紛更異名

歧出後世往往不知其詳如園陰之園以園水得名本作園亦屬西河郡莽改曰方陰足徵其好事更易不求甚解姑並錄以存疑

汾州志平周考方輿紀要平周城在介休西四十里考之史記魏世家襄王十三年當秦惠文王改元之十三年秦取我曲沃及平周漢書地理志平周縣隸西河郡闕駟十三州志云古平周縣在介休縣西五十里蓋北魏時其地屬介休今介休縣西二十里即與靈石縣接境其地割屬靈石

新通志平周考按今介休西二十里即爲孝義縣地如闕駟言即當在今孝義縣南然決非西漢故縣者此本爲茲氏南境屬太原郡其西河郡治平定在今河套東漢永和五年始南徙五

臨縣志

卷十四

沿革

四

百九里治離石所統三十六縣併省過半當時必有與郡同徙者如隰成中陽皆先濱河後乃移置太原郡境薛尚功鐘鼎款識有漢平周鉦所記縣名有平周平定園陰三縣其文云平周授園陰園陰在今陝西葭州園陰故城在米脂縣去孝義三百餘里如當時平周已治此豈能於三百里外作器相授乎近人著漢志釋略注爲臨縣西地當是時平周圍陰均處河濱彼此相望通工易事習以爲常觀後來宋置晉寧軍猶治河西之葭蘆砦正與漢跨河爲郡之治相仿是其地明明在臨縣而不據以列入者漢表注平周在湖陽爲今河南之唐縣未嘗不可以二字名地故不敢決爲必在山西也又功臣表有平州侯王陝以武州作武周例之州周二字古恒通用平州亦即平周也而注引地道

記縣屬巴郡愈當從畧

謹案平周之說當以通志為是若據汾志則在今靈石界內漢茲氏縣地也茲氏屬太原郡平周屬西河郡十郡考畧云漢西河郡跨黃河兩岸在內地黃河東岸者為山西汾州府屬之臨縣永寧州寧鄉石樓四縣均在西山中若據汾志以平周在介休西南靈石境內中隔孝義縣地與西山四縣不相連屬况後漢省併西河三十六縣為十三縣其在河東之離石蘭皋狼隰成四縣均在今離石境內其時縣境中臨水既省平周或仍其舊更有證者縣境西南有寨則山相傳為古大同鎮與招賢山之鐵冶相距三十餘里平周鉦或即出此與漢志釋畧注平周為臨縣西地適合特水經注與元和

臨縣志

卷十四

攷沿革

五

志無指實之文遂茫無可據耳

後漢永和五年九月以匈奴寇掠西河郡南徙五百九里治離石領十三城蘭皋狼平周在省臨水

後漢書順帝紀永和五年九月丁亥徙西河郡治離石東觀記

西河郡治平定縣

在今河套鄂爾多斯左翼前旗境

離石在郡南五百九里永

和五年以匈奴寇掠徙郡離石案永和五年上距元朔四年凡二百六十五年後漢書郡國志并州刺史部太原郡西河郡西河領十三城有離石蘭皋狼土軍隰城中陽平周而無臨水從併省也

魏仍隸河西郡而治茲氏縣境轄於離石

未置縣

新通志沿革圖解水經注魏黃初二年分太原後置西河郡

治汾

陽乃漢茲氏地又載晉西河繆王司馬子政碑云西河舊處山林漢末擾攘百姓失所魏興更闢疆宇分割太原四縣以爲邦邑其郡側山帶寨云云又載離石令宗羣等二百三十四人據此則離爲西河屬縣臨水省入離石其境則統名離石矣

晉仍魏制永興初匈奴左部帥劉淵據離石稱漢在今離臨之間寇太原中都尋遷蒲子置幽州刺史鎮離石其後地入石勒而符健慕容儁符堅慕容垂迭有其地石勒改爲永石郡蘭泉狼隸焉慕容儁又改永石郡爲西河郡

汾州志晉書地理志永興元年劉元海僭號於平陽稱漢於是并州之地皆爲元海所有元海乃以幽州刺史鎮離石今案劉淵始稱大單于在離石尋稱漢王據離石之左國城皆永興元

臨縣志

卷十四

攷沿革

六

年事其僭號平陽乃永興二年事凡五年間名號三易志約略其詞繫之永興元年疏矣時并州刺史劉琨據守晉陽永嘉六年淵寇晉陽琨保於陽曲劉曜置并州於蒲阪而石勒始有晉并州地志言并州皆爲淵所有亦謬永興二年十有二月辛巳詔將軍周觀率衆詣西河離石鎮撫雜部載記大興二年勒僞稱趙王尋討鮮卑鬱粥於離石悉降其衆城地理志自惠懷之間離石縣荒廢勒於其處置永石郡自石勒之後苻氏慕容氏彼此相繼干戈擾攘其互有并州諸郡也苻健值晉永和中慕容儁值晉升平二年苻堅值晉太和五年慕容垂值晉太元中迨北魏皇始元年值晉太元二十年慕容垂卒九月魏軍次陽曲并州牧慕容農棄城夜遁魏軍略地晉州獲慕容買得於平

陶城由是并州入於北魏上距永興元年凡九十年

謹案晉興以來離石以西均爲匈奴攘據朝秦暮楚其不奉正朔實與晉相始終舊縣志今縣南四十里劉王溝有劉王廟相傳元海練兵於此有德於民立廟祀之縣治北四十里紫金山有崇應侯廟即石勒祠相傳石勒當時據山爲壘土人稱爲山石勒後訛爲三石郎徵之史冊證以古蹟縣境爲劉石等割據久無主名所謂永石西河亦隨時更易耳

北魏天興初置離石鎮北齊天保三年置西汾州因改離石爲昌化縣屬懷政郡縣境均在轄地又於縣北境立烏突戍

太平記石州後魏爲離石北齊天保三年於城置西汾州因改離石爲昌化縣屬懷政郡新通志北齊沿革圖說天保三年起

臨縣志

卷十四

攷沿革

七

長城自黃櫨嶺起北至社于戍四百餘里立三十六戍四年正月山胡圍離石戍帝親討之未至而逃因巡三堆戍大狩而還北史永熙二年正月丁酉齊獻武王大破爾朱兆於赤嶺衆並降兆竄於窮山殺所乘馬自縊於樹東魏武定三年齊獻武王出軍襲雜部分爲二道以大司馬石城郡公斛律金爲南道軍師由黃櫨出獻武王自出北道度赤嶺會金於烏突戍合擊破之其前歡蹙爾朱兆妻子亦於烏突戍審其地勢當在臨泉故縣閒矣

謹案縣治北三十五里黑峪場村北湫水之東山上有故城遺址府縣各志皆未載明建置時代今考後周所置之烏突縣故城在今縣治南三十里湫水之東府底村唐置之臨泉

縣故城在今縣治北五十里湫水之西故縣村惟南距縣治三十五里湫水東之故城東北距赤嶺三十餘里准以地望與北史吻合其爲烏突戍無疑至今土人耕於其地者每掘得有銅箭頭及名印銅鎚鐵炮等物亦當年鎮戍之證據也又按車突切音赤赤黑疊韻谷峪通用今呼黑峪即古之車突谷胡漢譯言音訛僞變其故城爲烏突戍址特舊志未之詳耳

北周改西汾州爲石州於今縣治南三十里置烏突郡烏突縣又析今縣南境隸定胡郡定胡縣析東南境隸窟胡郡窟胡縣

汾州志自魏分爲二齊承東魏周承西魏而周卒平齊其詳無地志可考隋書地理志離石郡下云後齊置西汾州後周改石

臨縣志

卷十四

沿革

八

州修化縣下云後周置窟胡郡窟胡縣定胡縣下云後周置定胡郡定胡縣太和縣下云後周置烏突郡烏突縣元和志石州平夷縣本漢離石縣地周宣帝割縣西五十一里置定胡縣東至州治九十五里大象元年置烏突郡烏突縣方輿紀要烏突縣蓋以車突谷而名北魏太和十九年吐京胡反汾州刺史元彬擊破於車突谷即此

謹案周平齊後山胡遠竄遂於離石西北分置三郡縣烏突郡烏突縣定胡郡定胡縣窟胡郡窟胡縣是也元和志云太和城在臨縣東北三十五里後周烏突郡烏突縣治焉是誤以烏突戍爲烏突縣矣若太和果在縣東北三十五里與唐遷置之臨泉一河之隔南北相距不過十數里改之可也何

以遷爲方輿紀要烏突縣蓋以車突谷而名竊以齊立烏突  
戍於今治東北三十五里在魏擊吐京胡之車突谷辨詳周  
置烏突郡於今治南三十里之府底村以其北境有烏突戍  
置郡縣於此與窟胡定胡相犄角窟胡在今縣東南百里離  
石北六十五里南村堡是也定胡在今縣南一百二十里離  
石西少北一百二十里孟門鎮是也新通志沿革譜列定胡  
於離石以其在離西列窟胡於臨縣以其在臨東是古定窟  
二郡之地實析今臨離二縣之境攷縣境三交南十里郝家  
場宋明靈公碑署石州定胡縣舊志載三交南山世傳北魏  
孝文帝過此見有異氣遂鑿斷來脈建廟壓之三交在今縣  
南五十里以古蹟證之則三交應是烏突定胡窟胡分界之

臨縣志

卷十四

攷沿革

九

地其名有由來矣古人著書綜千百郡縣之方書覈列朝建  
置之沿革乞靈故紙萬難悉合生其地者徵古蹟揆地形掇  
陳事實以備通雅取裁焉新通志疆域圖注漢魏晉以來郡縣無大改革自十六國之亂人民

流亡省併爲多至魏齊周而紛更尤甚僑立益繁往往驟難考核  
下逮隋代南北合一建置已定故考沿革者以北魏爲最難焉

隋開皇中改烏突爲太和廢郡爲縣隸離石郡其東南境仍爲定  
胡修化轄地

隋書地理志離石郡領離石修化定胡平夷太和五縣開皇元  
年郡並廢改烏突曰太和窟胡曰修化定胡仍舊均隸離石郡  
唐武德三年置北和州改太和縣曰臨泉隸石州四年又於今興  
縣置太和縣於今興嵐臨交界之處置臨津縣隸東會州貞觀三  
年並廢仍以臨泉隸石州天寶元年改石州爲昌化郡乾元元年

復爲石州臨泉定胡隸之屬河東道

舊唐書地理志武德三年置北和州改太和曰臨泉於定胡置西定州貞觀三年廢新唐書地理志河東道石州領離石平夷定胡臨泉方山五縣臨泉即太和修化併入方山

新通志嵐縣沿革考武德四年平劉武周置東會州宜芳縣屬焉又以北和州之太和縣來屬七年又以石州之臨津縣來屬其後省太和入臨津又改爲合河又云合河臨津並在興縣其南東合查山東麓有湫水流入臨縣即臨泉也唐改太和縣爲臨泉其蔚汾水出合查山西麓亦有臨水之名故隋改蔚汾爲臨泉唐又改臨津地在興縣東南六十里又云定胡武德三年於縣置西定州貞觀二年廢置孟門縣七年廢縣爲孟門鎮八

臨縣志

卷十四

攷沿革

十

年廢鎮復爲縣在離石西九十五里在臨縣西南一百二十里

今孟門鎮

謹案武德三年已改太和曰臨泉通志云四年又以北和州之太和來屬七年又以石州之臨津縣來屬考唐置之石州屬下並無臨津以地形推之臨津故城本在興縣東境內興縣志云合河中縣本臨泉武德三年改名臨津隸東會州又云省太和入臨津是省唐析置興縣之太和非隋置離石所屬之太和也是時臨泉移置今治北五十里之故縣村東北至臨津故城六十里實有隋置太和之全境其三交以南仍隸定胡同屬石州新通志建置沿革攷證確鑿此其百密一疏也

五代時無改革

宋法唐制臨泉定胡仍隸石州屬河東路元符二年以臨泉隸晉寧軍大觀三年復以定胡縣隸焉而晉寧軍本葭蘆砦改置在今陝北道葭縣

宋史地理志河東路晉寧軍領縣二定胡臨泉靖康後地入於燕

謹案宋初分天下為十道繼分為十五路又分十八路後定制為二十二路今山西仍為河東路元符三年增置晉寧軍領定臨二縣軍治在陝西葭縣葭蘆砦仿漢西河郡跨河為治之意知軍領嵐石路沿邊安撫使兼嵐石隰州都巡檢使晉寧軍不在河東六軍內今考縣南六十里宋定胡縣郝家

臨縣志

卷十四

攷沿革

十一

場明靈公碑上署建中靖國元年皇城使知晉寧軍事張世永知石州定胡縣事楊天佑立石足徵定胡之隸晉寧仍析今臨縣之南境暨離石之西境也

金天會元年當宋建炎之二年置河東南北路提刑司石州屬河東北路臨泉改臨水廢晉寧軍縣東南境仍轄於孟門方山同隸石州

金史地理志石州領縣六離石方山平夷孟門臨水寧鄉孟門即定和明昌六年改置

元中統二年改臨水曰臨泉至元三年升置臨州不領縣省孟門方山入石離始有今縣全境南至磧口鎮東至黃雲山屬太原府冀寧路為

河東山西道肅政廉訪使所轄

元史地理志冀寧路臨州不領縣

縣舊志考前金貞祐末年元兵南下先諸郡歸附元太師言於左右曰今帥師征河而此城先納款前途無阻徑濟洪津乃平定夏國之兆也因嘉之以聞賜名大定府至中統開設省臺此城屬太原更爲州命曰臨取地澤臨之義又元延安兵馬總管袁湘神道碑云公諱湘字潤夫臨泉人以忠顯校尉遙主延安之延長主簿再以功超武節將軍令臨泉石嵐合河恃公爲藩援以安者五年後以人心離散不可復一乃乘夜濟河款大將軍孛罕營降解所佩刀誓曰所有二於公者有如此劍孛罕義之以便宜升臨爲州又縣東三十里慈雲寺僧石珏紀行碑云大元創天下以河東未歸天兵南下臨縣與大河爲近渡先得臨縣以臨爲大定總管府以便節鎮據此三證則臨之升州名

臨縣志

卷十四

攷沿革

十一

府皆一時權宜以示優異後省孟門析其北境六十里至磧口鎮省方山析其西境四十里至黃雲山統歸臨轄即今縣全境並未有屬縣也

明洪武二年臨州降爲縣萬曆中屬沁州二十三年五月改汾州爲府臨縣屬焉隸山西承宣布政使司又於汾州設駐冀南道清仍明制屬汾州府康熙六年裁冀南道併入冀甯道定臨縣爲簡缺

民國裁府州名目縣仍舊直隸省長分屬中路冀甯道

謹案藺泉狼之名見於春秋國語稱名最古其治在今縣東南離石西北境內漢置西河郡臨水縣以陵水得名新通志辨之最悉雖汾州志以爲水經注與唐宋地志絕不涉及然

莽改監水或以爲臨水之誤是其證也即不然亦不能謂非緣臨水而改也後漢晉魏以及北齊臨無州縣名目雖云省入離石實爲匈奴攘據後周大象初於縣置烏突郡烏突縣方輿紀要云因北魏破吐京胡於車突谷而名其今縣南境析置於定胡東境析置於窟胡其西濱河又置克胡砦因名核之亦足徵百年中縣境非中原有也至隋改烏突曰太和唐改曰臨泉五代及宋皆因之金又改臨水其縣境三交以南以東仍析置於孟門方山二縣夫定胡孟門窟胡方山移置改復歷代數易逮元至元二縣始省入石州臨遂有今縣全境惟臨縣山後一所孤懸於離石東北境內離石磧口半鎮孤懸於臨縣西南境內由明及清插花遙治殊多窒碍元

臨

縣志

卷十四

沿革

十三

中統三年陞臨泉爲臨州尋又將州治南徙五十里於今治明洪武二年改州爲縣萬曆中改屬沁州後改屬汾州府前清仍之民國直隸山西省長罷州府屬轄名目仍置中路冀甯道以臨屬焉

